

www.BibleForChildren.org

Matiye 26




Nkolo motoba o boo pha eyenga ya llekana, Yesu aesi ya koma o Betani, waabaka Lazalo owa kundolaka yo onte ya bawe. Bobele, Maliya amba yakpa molangyi nwa malasi nwaykyela bée na nale nwa motiya moikye. Aesi ya maololo o makolo ma Yesu, amba makunyola na suwe ye, emba ingambi satondaka na solo ya mana malasi.



Mwamwam onte ya baekosi iko mbuka babale, nkombo ye Yudas Mokeliyota, abaka wamwam. Amba yakye oka banganga baanene obokye ambya Yesu. Waaoka bee bobo, babaka na nkyisa. Bamolakyelaka imophe baphalanga. Alukaka ndengye ewaa eyamoambya yo Yesu.




Baekosi baamba kyela bo wa
batomaka Yesu, balambi ntoma
ya eseleko ya ilekana. Waaba bée
baze, Yesu akpe ipa, apha
Dwaphongo melisi, asikyisi,
amba kabela baekosi bée amba
ya wo na bée yokye: «Imaa, zaa
eye eli nzoto ya nga.»



Amba kula ya kpa kopho ya vinyo,
aphe Dwaphongo melesi aephe
baekosi bèe, amba ya wo yokye:
«Oenywe bèe baso. Pho eye eli
malongo ma nga, malongo ma
sangola ya Dwaphongo na bato,
masweye pho ya bato baikye,
bazwe bolimbisi pha masumu.»



Nkolo amba ya wɔ na Simo Petelo yokye: «Simo, Simo, Molembe aeyongyi phɔ ya iyenyinga bokonyingye bée mbuma ya ble. Kasi nga, nabɔndɛsi phɔ ya wɛ obokye ianola sa wɛ sango sa unva. Emba iwɛ, waamo ya mbutolela wɛ, okuya bɛbi na wɛ.» Petelo amba ya wɔ nɛ yokye: «Nkolo, nga naanosi inyɔlɔ o bɔlɔkɔ naa iwa na wɛ, elele yɔnɔyɔ.» Yesu amba ya mobuyisa yokye: «Petelo na wɔ na wɛ ngakye, nde o mokɔlɔ ŋwa lɔlɔ, soo sa botɔngokye, wa munzangana mbala iyato, obokye toonzebe.»



Emba Yesu amba ya koma
na baekosi bée o etiyε
ekyebangye bée
Getesemani. Amba ya wɔ
na bée yokye: «Bèε zala
wawa, nga nakye bondεε
Dwaphongo.» Amba ya wɔ
yokye: «Aba, Tata, iwε
okokyi ikyela maphɔɔ masɔ.
Manya kɔphɔ ya bolɔsi eye
itakye na nga. Kasi sakyela
iizingyi nga, kyela nde izingyi
wε.»



Yudasi aesi ya kpa batuluku ba Baloma na bakyengyesi
ba Tempelo, baatomaka bakambi ba banganga na
Bafalisayi. Akye na bee o elele me. Baphilaka
mphata, na bayanzi, na bakolukolu. Emba
monomo na be, aesi ya tena itoo sa
boloo sa moombo wa nganga
munene wa Dwaphongo. Kasi
Yesu amba ya wo yokye: «Le
kyela babona, wakokyi.»
Amba phila itoo sa moto me,
amba mobikya.



Baakye Yesu, baesi yakye ne bamunyose o ingambi sa nganga munene wa Dwaphongo. Petelo abaka kababengye na itakye. Balosaka nwenya o motema nwa lophango, Petelo akyekye ne zala onte ya bato baabaka bato nwenya.



Mwamba na baombo ba
nganga o munene,
owabaka njwana nyango
na moto owaenyekye
Petelo itoo, amba wo ne,
yokye: «Siikaka ewene na
we na ne o ibala?» Petelo
akuli angana. Sa koko, soo
yamba ya tongo. Emba Petelo
amba ya toko, abuto ilela na
ngongo ikye.



Bato baso baabaka o ikyita baesi ya tεme, bamba ya kye na Yesu oka Pilata. Pilata amba motuna yokye: «Iwe mokonzi ηwa bayuda?» Yesu amba mobuyisa yokye: «Ewo nde we.» Pilata amba kula ya woo na bée na ndengye ya iluka ikandola Yesu.





Kasi bée bamba anwana bekye:


«Omobakye o ekulusu,
omobakye o ekulusu.»




Bobele, Pilata amba ya ambya
Yesu obokye bamoingya o
ekulusu. Unwanwa eye, bakuli
yaakya Yesu. Yesu aesi ya
nyanya ekulusu yo mampenza,
aikyi mokyisi mamuna, nono o
elele ekye bangye be:
«Engyengyεε ya moto», o
munoko nwa Bayuda, bekye:
«Gologota.»



Wamɔ, baesi ya ingya Yesu o ekulusu.
Baingye na bato basuu babale o
bikulusu, ona bi boloo, ona bi
bowεε, Yesu waa nte.



Waakoma bunya i moto, moo moesi ya mana. Enzombi yamba ya ziba mokyisi mobimba tee nɔnɔ o ngonga ya iyato eya nkɔnkɔlɔ. Emba etobu eyanda eyabaka o Tempelo yakakwaka na mibale. Yesu amba yaanwana nwanjye mokusi yokye: «Tata, naambye molimo nwa nga o maboko ma we.» Waaunva yo iwo babona, akati motema.



Zozefu wa Alimataya amba yaa. Abaka
moto wa ngambo onte ya bananga
baanene ba Bayuda, ne abaka
kaziya iyaa sa bokonzi pha
Dwaphongo. Amba yakye
na boititalakye bosu
oka Pilata ikye onga
ebembe ya Yesu.

Zozefu aesi ya
Omba imputa siilaa,
aesi ya uya ebembe ya
Yesu o ekulusu, aezingyi
na ena etobu, amba kye
enyosa o ilita saa imaka
bee o mabanga. Sima,
amba uka ibanga siinene
pho ya iziba munoko
nwa motto.



Sima ya mokolo monomo, yabaka
mokolo nwa sabata, bakonzi ba
banganga ba Dwaphongo
na Bafalisayi bamba ya
kyende oka Pilata. Bamba
wo ne bekye:

«Mokonzi, toumunya
maphoo maawoko
nyaboole mona,
wataka
baa

yo na bomoo.»



Awoko yokye: “Namokundwa
sima ya nkolo iyato.” Emba
bamba ya kye balimisa
ibanga me na bokusi.
Bamba ikaa batuluku
pho basikyengyele.




Mokolo nwa sabata molekaa, na
munkukutu, Maliya owa Magadala
na ndoo ye, nyango wa Zake
na Zozefu, bakulaka kye
kyeka ilita. Na mbala
ϣⲟⲛⲟϣⲟ, manyete matati
inyingana na bokusi.
Mwanze wa Nkolo
auti o ikolo,

aesi ya
manya ibanga,
amba zala o ikolo
sa sango. Batuluku
bawenkye inganga,
babuto itekyenle,
babutwaka ndokolo
bibembe.




Mwanze amba ya wo na babasi
yokye: «Bèe salota, naebe obokye
kolukye Yesu owa bomaka bée
o ekulusu. Wawa tali! Ambo
kundwa bo wawoko yo.
Yaka ya kye kyeka
elele eebakyi
nzoto ye.»



Bamba mana o ilita izele, babaka na inganga
siikye, kasi mandondo ma bée matondaka
na nkyisa, bamba ya kye na mbangu
iimola simo me oka baekosi ba
Yesu. Na mbala yonoyo Yesu aesi
ya tokolele basi me, amba ya wo
na bée yokye: «Mbote ya bée!»
Bée bamba susana phenephe,

bamba kusama,
bamophisi o makolo.





Sima ya iso, Yesu akulaka tɔkɔlɛlɛ baekosi iko mbuka mɔnɔmɔ, baabaka baze. Amba ya baoya yokye: «Bɛɛ toli na ianola, kombe ikyela na ziko baayakaka ya eimola obokye banvɛni na miyo obokye nali na bomɔɔ.»

Waaunva Nkolo Yesu iwo na b'ɛɛ bobo, abuto o ikolo. Akys zala o elele ya ngambo o boloo pha Dwaphongo.



Pho Dwaphongo azinga mokyisi
na boikye, yango mena ambya
Dwana we, nde yo monomo, pho
ya obokye moto munso okoanole
Dwana me, yo sa waa, kasi azwe
bomoo pha bobele.



Baloma 3:23

Pho bato baso bakyesi masumu, emba baimasi nkyemo ya Dwaphongo.

Baloma 6:23

Pho iphuti sa isumu eli iwa. Kasi ikabo si ambya Dwaphongo pha, eli bomoo pha bobele onte ya Yesu Klisto Nkolo wa banga.

Baebele 9:27

Emba bowa kyelama we pho ya bato iwaa nde mbala yonyo, o sima me kyembe ya moambo,

Baefese 2:8,9

Pho na ngolu ye, bee obiky na nzela ya ianola. Ka teli lowo la be, mena eli nde ikabo sa Dwaphongo. Sango tesiute na bitoma, obokye moto amiphambe na sango.



Baloma 10:9,10

Bo kowɔ na munɔko ηwawε obokye Yesu ali Nkolo, na bo koanole o ndondo ya wε obokye Dwaphongo amoakola o bawe, Dwaphongo amoebikya. Bo toanosi Yesu phεε tobutwe bato ba bosembo o miyo mε. Bo towɔ na munɔko obokye Yesu ali Nkolo, Dwaphongo aalobikya.

Yoane 3:16,17

Phɔ Dwaphongo azinga mokyisi na boikye, yango mεna ambya Dwana wε, nde yo mɔnɔmɔ, phɔ ya obokye moto munso okoanole Dwana mε, yo sa waa, kasi azwe bomɔɔ pha bobεε. Phɔ Dwaphongo taika toma Dwana wε o mokyisi phɔ ya iya sambisa mokyisi, kasi phɔ ya obokye mokyisi mobikye phɔ yε.



1 Yoane 5:11-13

Emba kyeka munoko me: Dwaphongo alope bomoo pha bobele, emba bomoo me boli onte ya Dwana we. Oli na Dwana ali na bomoo, otoli na Dwana wa Dwaphongo, tali na bomoo. Naekomesi maphoo maso mamana pho oebe obokye oli na bomoo pha bobele, bee bali na ianola o nkombo ya Dwana wa Dwaphongo.



Matiye 26-28; Luka 22-24; Yoane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Lobala NT (loq) © 2018, Wycliffe Bible
Translators, Inc. in collaboration with
ACOTBA-SUBO

<https://live.bible.is/bible/LOQWBT/MAT/1>

©2025 Bible for Children, Inc.

www.M1914.org

www.bibleforchildren.org

